

18 xbre 1638 *Saillie* 21

ARREST DE LA
COVR DES AYDES,
obtenu sur la Requête du Procureur
general du Roy.

Portant desfences à tous Commis, Huiſſiers,
& Sergens, employez au recouurement
des Tailles & subsistance, de faire saisir
& executer sur les contribuables, les che-
vaux, bœufs, & autres bestiaux seruans
au labourage.



A P A R I S,

Par PIERRE ROCOLET, A. ESTIENE,
S. C RAMOISY, & S. CHAPPELET,
Imprimeurs ordinaires du Roy.

An Palais, en la Gallerie des Prisonniers, aux Armes
du Roy, & de la Ville.

M. DC. XXXIX.

Avec Privilege de sa Majesté.

Case


F

39

326

1639fc

THE NEWBERRY
LIBRARY



*EXTRAICT DES REGISTRES
de la Cour des Aydes.*



Ev par la Cour, la Re-
queste a elle presentée
par le Procureur gene-
ral du Roy; Contenant
que par les Edicts, Or-
donnances, Arrests & Reglemens de
ladite Cour, donnez & faits sur le fait
des Tailles, Taillon, contributions, &
autres deniers qui se leuent sur le
peuple, tant dans les Villes que Plat-
pays, mesmes par la Declaration de
l'année 1634. portant Reglement ge-
neral des Tailles, article 55. tres-ex-
presses inhibitions & deffences au-
roient esté faites aux Sergens, em-
ployez à la collecte des Tailles, de fai-
re aucune execution sur le pain, le

lict, les chevaux, bœufs, & autres bestes seruans au labourage, appartenans aux contribuables, sur peine de la vie : Neantmoins au prejudice de cet ordre estably de toute ancienneté, ledit Procureur general auroit eu aduis, & receu plainte, qu'en diuerses Elections du ressort de ladite Cour, où se leue la subsistance des gens de guerre pour le quartier d'hyuer de la presente année 1638. en argent & danrée, les subdeleguez & Commis à faire ladite leuée font saisir, & prennent par execution indifferemment les chevaux, bœufs, & autres bestes de labour appartenans aux cōtribuables, sous pretexte qu'ils ne peuuent estre par eux payez de ladite subsistance, empeschans ainsi le commerce public, & priuans les plus pauvres des moyens de pouuoir gagner & entretenir leur vie ; A quoy

est necessaire de remedier. Partant requeroit ledit suppliant, qu'il pleust à ladite Cour ordonner, tres-expres- les inhibitions & deffences estre faites à tous subdeleguez, Cômis, Huiffiers, & Sergens, employez tant au recouurement des Tailles, que de la subsistance, de faire aucunes saisies & executions sur les cheuaux, bœufs, & autres bestes seruans au labourage, appartenans aux contribuables desdites Elections, sous pretexte du payement de leurs cote-parts desdites Tailles ou subsistance, en quelque sorte ou maniere que ce soit, sur peine de la vie; Et que l'Arrest qui interuiendra sur la presente Requête, sera à la diligence des Substituds dudit Procureur general, leu, & publié és Sieges desdites Elections, l'Audiance tenant, & és Proïnes des Parroisses d'icelles, a jour de Feste ou

Dimanche, en la maniere accoustumée, à peine d'interdiction de leurs charges, & que ledit Arrest sera executé en vertu de l'extraict d'iceluy: Et tout considéré; L A C O U R ayant esgard à ladite Requête, a fait & fait tres-expresses inhibitions & deffences à tous subdeleguez, Cômises, Huissiers, & Sergens, employez tant au recouvrement des Tailles, que de la subsistance, de faire aucunes saisies & executions sur les cheuaux, bœufs, & autres bestes seruans au labourage, appartenans aux contribuables desdites Elections, sous pretexte du payement de leurs cote-parts desdites Tailles, ou subsistance, en quelque sorte & maniere que ce soit, sur les peines portées par les Ordonnances; A ordonné & ordonne, que le present Arrest sera leu, & publié es Sieges desdites Elections, l'Audiance

tenant, és Prosnes des Parroiffes d'icelles, à jour de Feste ou Dimanche, en la maniere accoûtumée, à la diligence des Substituds dudit Procureur general, à peine d'interdiction de leurs charges, auxquels elle enjoinct en certiffier ladite Cour au mois; Et sera le présent Arrest executé en vertu de l'extraict d'iceluy.
PRONONCE' le 16. iour de Decembre 1638.

Signé,

BOUCHER.

*Collationné à l'Original par moy
 Conseiller, Secretaire du Roy
 & de ses Finances.*

